



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶՊԵՏ ՈՐՈՇՈՒՄ

<10>> փետրվարի 2014 թվականի N: 22-Ա ք. Գյումրի

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶՊԵՏԻ 2010 ԹՎԱԿԱՆԻ ՕԳՈՍՏՈՍԻ 9-Ի N 176-Ա ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ


Ղեկավարվելով <<Իրավական ակտերի մասին>> Հայաստանի Հանրապետության օրենքի 70-րդ հոդվածի 2-րդ մասի և Հայաստանի Հանրապետության կառավարության 2001 թվականի օգոստոսի 16-ի N 762 որոշմամբ հաստատված <<Հայաստանի Հանրապետությունում ընդհանուր օգտագործման ավտոմոբիլային տրանսպորտով ուղևորների կանոնավոր փոխադրումներն իրականացնող կազմակերպությունների ընտրության մրցույթի անցկացման կարգի>> 4-րդ կետի դրույթներով, հաշվի առնելով Հայաստանի Հանրապետության ոստիկանության <<Ճանապարհային ոստիկանություն>> ծառայության պետի 2014 թվականի հունվարի 31-ի N 17-7-1188 և Հայաստանի Հանրապետության տրանսպորտի և կապի նախարարի 2014 թվականի փետրվարի 5-ի N 01/24.3/980-14 գրությունները:

Ո Ր Ո Շ ՈՒ Մ Ե Մ՝

1. Հայաստանի Հանրապետության Շիրակի մարզի ներմարզային ընդհանուր օգտագործման ավտոմոբիլային տրանսպորտով ուղևորների կանոնավոր փոխադրումներն իրականացնող կազմակերպությունների ընտրության մրցույթային հանձնաժողովի կազմում Արամ Գրիգորյանի և Արթուր Փարսադանյանի փոխարեն ընդգրկել համապատասխանաբար Արտյոմ Անտիկյանին և Աշոտ Մուրադյանին:

2. Այդ կապակցությամբ՝ Հայաստանի Հանրապետության Շիրակի մարզպետի 2010 թվականի օգոստոսի 9-ի <<Հայաստանի Հանրապետության Շիրակի մարզի ներմարզային ընդհանուր օգտագործման Հանրապետության ընդհանուր օգտագործման ավտոմոբիլային տրանսպորտով ուղևորների կանոնավոր փոխադրումներն իրականացնող կազմակերպությունների ընտրության մրցույթային հանձնաժողովի կազմը հաստատելու և Հայաստանի Հանրապետության Շիրակի մարզպետի 2008 թվականի հունվարի 7-ի N 4 որոշումն ուժը կորցրած ճանաչելու մասին>> N 176-Ա որոշման հավելվածում:

- 1) <<Արամ Գրիգորյան - <<Հայավտոկայարան>> փակ բաժնետիրական ընկերության Գյումրու մասնաճյուղի պետի տեղակալ>> բառերը փոխարինել <<Արտյոմ Անտիկյան- Հայաստանի Հանրապետության տրանսպորտային տեսչության Արագածոտնի և Շիրակի մարզերի տարածքային բաժնի պետ>> բառերով:
- 2) <<Արթուր Փարսադանյան- Հայաստանի Հանրապետության ոստիկանության <<Ճանապարհային ոստիկանություն>> ծառայության տրանսպորտային միջոցների տեխնիկական փորձաքննության բաժնի ավագ տեսուչ>> բառերը փոխարինել <<Աշոտ Մուրադյան-Հայաստանի Հանրապետության ոստիկանության <<Ճանապարհային ոստիկանություն>> ծառայության Գյումրիի հաշվառման- քննական բաժանմունքի ավագ տեսուչ>> բառերով:



Ֆ. ՑՈԼԱԿՅԱՆ